

28 DISSERTATIO MEDICA IN AVGVRALIS
DE

V R T I C I S

Q V A M

RECTORE MAGNIFICENTISSIMO
SERENISSIMO PRINCIPE AC DOMINO
DOMINO

VVILHELMO HENRICO

DVCE SAXONIÆ JULIACI CLIVIÆ AC MONTIVM
ANGARIÆ ET WESTPHALIÆ e. r.

P R Æ S I D E

JO. HADRIANO SLEVOGTIO

HEREDITARIO in Ober-Rosla

MED. D. AN. CHIR. ET BOT. P. P.

IDEMQVE MED. DVC. PROV.

PATRONO PRAECEPTORE

AC PROMOTORE SVO

GRATA MENTIS SVBMISSIONE VENERANDO

P R O L I C E N T I A

SVM MOS IN MEDICINA HONORES

ET PRIVILEGIA

RITE CAPESSENDI

PVBLICÆ ERVDITORVM DISQVIVITIONI

TRADIT

JOANNES MELCHIOR *Brechtler*/

WANSLEBIO-MAGDEBVRGENSIS

IN AVDITORIO MAJORI

HORIS ANTE ET POMERIDIANIS

D. MAII ANNO MDCCVII.



J E N Æ

LITERIS GOLLNERIANIS.

EXPLICATIO FIGVRARVM:

- A Litera notat Calycem floris urticæ quadrifolium.
a Calycem quinquefol. urtic. Canadens.
B Antheram integram, ex capsulis reniformibus, pulvillo flavo plenis, constructam.
C easdem capsulas, in quatuor foliola divisas.
d Embryonem futuri fructus, cum crista in vertice.
D Capsulam seminis urticæ vulgaris racemosæ clausam.
E eandem apertam bivalvem cum semine.
F Semen urticæ racemosæ.
G Capsulam seminis urticæ minoris bicuspidatam.
H Pilam urticæ Romanæ.
I Capsulam seminal. clausam, sec. Tournefort.
K eandem, apertam.
L Veriorem iconem capsulæ clausæ, ut nobis nudo & armato oculo apparuit.
M eandem apertam cum semine.
N Semen urticæ Romanæ.
O Semen angulosum urtic. Canadens.
P Receptaculum ejus, a Tournefortio volsellæ comparatum.
O Spinam seu aculeum urticæ recentem, sacculo succifero insidentem.
P eandem spinam, in cujus apice guttula limpidi laticis expressi hæret.
Q Spinam aridam exsuccamque.
R ——— in medio fractam ut cavitas ejus appareat, cum notis succi subsidentis in sacculo.
o & p duas spinas, ut a Leeuvvenhoek pinguntur, curvas.
S. T. V. figuras, in lixivio urticæ leviter congelato apparentes.
X figura in decocto urticæ, congelato, apparens.
1, 2, Figuras, in aqua destillata Melissæ congelascente; 3, 4, in aqua Betonice;
5, 6, in aqua salviæ; 7, 8, in aqua hysopi; 9, in aqua tusfilaginis.





L. D. B. V.

§ I.



Vlpantur equidem, post Theophrasti Eresii, & Dioscoridis Anazarbei tempora *Reibotanica* curam habentes, meritissime a recentioribus, quod per tam longum temporis spatium, usque ad duo proxime elapsa secula, præter confusam, & plerumque ex veri nominis ignoratione ortam synonymorum multiplicationem, parum vel nihil ad faciliorem, diffusissimum ejusmodi studium methodice tractandi, rationem contulerint; quin potius ob neglectos genuinos & unicuique plantæ impressos characteres, quorum ope singulas species ad sua genera referre potuissent, sæpe diversissimas herbas ad eandem classem cœgerint, rursusque ad unam familiam pertinentes, longissime a se invicem disjecerint. Sed excusantur quodammodo per vulgatum illud: *Omne principium grave, inventisque aliorum aliquid addere, non aequè arduum esse*: & revera quoque laude digni sunt, quod, melioribus adminiculis destituti, memoriam, circa tot *singularia* occupatam, adjuturi, plurimarum plantarum appellationes modo ab *externo earum habitu & figura*, aliisque sensibus hominum expositis *qualitatibus*, modo a *juvandi nocendique facultate*, modo a *natali loco & germinandi florendique tempore* derivare laborarint.

§ II. Specimen utilitatis istiusmodi denominationis hæc ipsa herba, cujus evolutioni præsentis paginas destinavimus,

offert. Hanc enim, qui Latine *URTICAM* & German. *Brennessel* vocant, ab ardore & pruriente rubedine, quam instar ignis manibus, blandissime eam attingentibus imprimit, ita appellari fatentur. Et græcæ quoque voces κνίδη & κνήδη, eandem herbam significantes, prout a κνίζειν, *vellicare* pungere, & κνιδᾶν, *mordere*, originem habent, ipsumque German. vocabulum *Nessel*, si, sec. Chr. Langii Misc. cur. c. 34, de morbill. p. 126, ἀνύσσω *pungo, percutio*, derivatur, modum agendi *mechanicum* ostendunt; sicut *Cnidiorum* pugnacissimam gentem, mordacesque *Cnidias* aves, ab Aristotele, Athenæo & Aldrovando descriptas, a moribus sua nomina accepisse, probabile videtur.

§ III. A Dioscoride vocatur ἀκαλύφη, ab aliis ἀκαλήφη; secundum Rajum quidem, *Hist. Pl. Lib. 4, S. 1, Part. 1, c. 3, p. 159*, ex Athenæo, παρὰ τὸ μὴ ἔχειν καλὴν ἀφὴν, *quod injucundo sit tactu*: ast cum α in voce ἀκαλός neutiquam *privandi* aut *contrarium* significandi facultate polleat, hinc potius ἀκαλήφης appellatio hoc loco ἀνίσφρασιν involvit, quatenus hæc herba nihil minus, quam ἀκάλη τῇ ἀφῇ, *placida & mitis tactui* existit; ut per analogiam, ab ejus uredine defumtam, etiam pisces nonnulli, vel si majoris Zoophyta marina, *Urtica* salutentur; quia manibus piscatorum sese perinformis sui corporis villos, quibus alias faxis tenaciter adhærent, applicantes, eas molestissimo ardore afficiunt, nisi oleo prius unctæ fuerint: ut apud Aristotelem, Plinium, Cardanum, Gesnerum, Aldrovandum & Rondeletium legere datur. De aqua vero admodum refrigerante inde destillanda, & oleo singularum virtutum, videatur D. D. Ludov. Hannemannus, Eph. G. D. 3, ann. 2, obs. 137.

§ IV. Cum, verbis Matthioli, Comm. in Dioscor. lib. 4, c. 89, p. 789, *Urtica adeo vulgaris sit notitia, ut non modo interdum, sed etiam noctu in tenebris solo tactu ab omnibus facillime cognoscatur*, hinc Veteres parcissimi fuerunt in externa ejus facie delineanda, operamque suam magis in virium descriptione collocarunt.

runt. Quos & nos imitabimur, modo prius *genus ejus* & *notas* quasdam *diagnosticas*, ceu insignia familiæ indicaverimus. Postquam enim hodie Botanica ingentem saltum ultra antiquos limites fecit, non licet amplius nominibus ludere, & pro lubitu atque autoritate Docentium ea vegetabilibus imponere, ut v. g. herba, quam *Galegam* vulgo vocant, aliis *Galea*, *Gralega*, *Regalea*, *Regallicum*, *Castranaca*, *Caprago*, *Capragina*, *Daneta*, *Rutacapraria*, *gallica*, *Herba Galeni*, *Tbarina*, *Martanica*, *Nesa*, *Saracenica*, *Taurina*, *Fœnum græcum sylvestre*, *Onobrychis* &c. audiat: aut *Telephium Græcorum* a Brunsfelsio *Scrophularia media*, a Matthiolo *Fabaria*, a Lobelio *Faba inversa*, a Dodonæo *Crassula*, a Cordo *Acetabulum*, a Columna *Colyledon*, ab aliis aliter appelletur: nec sufficit circa radices & folia, aliasque § I recitatas circumstantias, in determinando eorum genere, speciebusque constituendis subsistere; sed decet potius secundum methodum vegetabilia dignoscendi, a Gesnero *inchoatam*, hinc a Cæsalpino & Fabio Columna *approbatam*, postmodum a Rajo, Moriffone, Hermannno, Ammanno aliisque *magis dilucidatam*, & tandem a celeberrimis viris, Rivino Lipsienfi ingentibus sumtibus, iisque propriis, a Tournefortio Aquisextiensi autem impensis Regis Galliæ, ad summum, quo jam splendet, claritatis fastigium, deductam, herbas potissimum per *florem* & *fructum a se invicem*, aliisque eorum nomen gerentibus, aut in uno tertio cum ipsis convenientibus distinguere.

§ V. Quod ipsum antequam circa *urticas* etiam molimur, & ad genuinum earum characterem constituendum progredimur, opus est, remoras nonnullas, a præstantissimis Botanicis, Rajo atque Tournefortio, legentibus objectas, e via tollere. Est enim, nescio quo fato factum, ut, contra oculorum fidem, unanimiter quaslibet urticas inter herbas, *quarum fructus*, secundum Rajum, l. c. p. 156, *a floribus totis plantis distant*, sec. Tournefortium autem, quæ *flore apetalæ*, *aliæ in eod. genere floribus*, *aliæ fructibus plerumque donantur*, retulerint; quo pacto, si ex hypo-

thesi de sexu plantarum, secundum Aristotelis & Theophrasti placita, post Grevvium atque Rajum, a D.D. Rudolpho Jacobo Camerario, Prof. Tub. celeberrimo, in Epistola ad celeb. D.D. Valentini, comta oratione & speciosis argumentis explicata, loquendum esset, omnes urticarum species tantum in *mares* & *fœminas* distingverentur: cum tamen maximam earum partem *hermaphroditos* esse, autopsia doceat.

§ VI. Quæ ut rectius percipiantur, sciendum (1) Rajum 4 tantum urticarum species nosse, duas *racemosas, totidemque piluliferas*, hisque l.c. arborem urentem Brasiliensem, Pino dictam, ex Marggravio, & tres frutices urticiformes, Schorigenàm, Batti Schorigenàm, atque Ana-Schorigenàm ex horto malabarico præmittere: Tournefortium autem, missis hisce tribus peregrinis, *novem* urticarum species tali ordine recensere, ut prima sit *Urtica urens maxima* CB; secunda *urens maxima caule rubente*; tertia *vulgaris minime urens* Menzelii; quarta *urens minor*; quinta *urens pilulas ferens* Dioscor. sexta, *pilulifera altera, parietaria folio*; septima *maxima racemosa Canadensis* Hort. Reg. Par. octava *Canadensis myrrhidis fol*; nona *racemosa Americana, amplo coryli folio Plumerii*.

(2) per *flores* intelligi h. l. *julos*, sive 4, 5, vel 6 *nucamenta*, ad singula foliorum superiorum paria exeuntia, quæ numerosos *calyces quadrifolios A*, (vid. figuras in Tabula) in nonnullis *quinquefolios a*, ex viridi flavescentes, teretique axi alligatos, constituere videmus; e quorum sinu *stylus quadrangularis* eminet, absque petalis, 4 vel 5 staminibus stipatus, quæ in calyce adhuc clauso incurvata jacentia profiliunt, quamprimum hic aperitur, quasi ab elatere quodam mota, disperguntque ex antheris suis, sive apicibus B, flavum pollinem in poros & *cristatos vertices embryonum d*, ceu in futurorum fructuum rudimenta, ut hæc ab illo, tanquam ova muliebria ab aura seminali masculina, fœcundentur, & aptitudinem novas plantas generandi accipiant. Repræsentant

sentant antheræ flaminum allegatæ & duas capsulas reniformes, quæ secundum longitudinem diffilientes, post excussum pulvisculum, apertæ manent, & libellum quatuor foliorum exhibent C, obscure a Sculptore delineatum.

(3) Ex 9 speciebus Tournefortii tres tantum priores (forsan etiam tot ultimas exoticas) ita comparatas esse, ut §. præced. citatas notas mereantur, & unius ejusdemque speciei individua, alia in racemis suis non nisi flores gerant, adeoque *masculini generis* existant; alia, fructus solummodo alendo absque floribus, *fœminarum* vices sustineant: Sequentem autem quartam, quintam atque sextam, instar *androgynorum*, in eadem planta florentes julos juxta petiolos fructiferos protrudant.

§ VII. Ex præmissis hisce haud erit arduum Urticas definire, quod sint *planta, florem imperfectum racemosum sine semine, & semen acuminatum F & N, vel angulosum O, sine flore in capsula bivalvi, figuram cordis D, vel cunei & corni inversi L, vel vossella 4 exhibente, asservatum, proferentes.* Qui character, quamvis valde generalis, singulisque speciebus absque limitatione minus adæquatus sit, facile tamen unicuique earum per adjunctas particulares notas applicari potest, satisfacitque nobis hac vice ideo, quia per ipsum Urticas ab iis herbis, quæ earum nomen injuste hætenus usurparunt, separare licet, ut in posterum non nisi *Melissarum, Lamiorum, Galeopsidumque* titulo veniant, quæ post florem utrinque labiatum, in calyce tubuloso, & circa marginem multifido, 4 nuda semina spectanda alunt, & hætenus vulgo *urtica sylvestres, herculeæ, & aculeatæ, fatuæ item, & mortuæ, Wilde, Taube oder Todte Negel* fuerunt salutatæ.

§ VIII. Cum vero novem istas verarum species non uno habitu incedere, ex allatis constet, opus erit *Speciales characteres* constructuris, eas, partim ad *florem sexumque* habito respectu, secundum § præcedentis num. 3, in *mares, fœminas, hermaphroditosque*; partim vero, ob *situm fructuum*, in *racemosas atque pilu-*

liferas distingvere; cum ad hasce notas essentielles indigenæ pariter ac peregrinæ facile reduci, harumque beneficio, si simul calycum, seminumque & capsularum figura in considerationem venerit, *omnes urtica quatuor classibus includi* queant; ut ex singularum explicatione apparebit.

§ IX. In *prima classe* eminent duæ species racemosæ, potissimum per colorem herbæ *viridem*, vel *obscure rubrum* dignoscendæ. Has sub uno titulo, post Matthiolum, J. Bauhinum, Chabræum atque Rajum, illi comprehendunt, qui coloris diversitatem tantum a loci natalis situ, solis radiis plus minus exposito, derivant: cum tamen a Tabernæmontano non solum distinctæ earum figuræ p. 920 & 921, exhibeantur, sed etiam a Tournefortio, ex C. Bauhini Pinacis p. 232, prior absolute *Urtica urens maxima*, Germanis *Weisse große brand- oder donner-Neßel* altera vero *urens maxima caule rubente, rothe / oder wilde Neßel* salutetur. Prior, quam domesticam vocant, nascitur juxta sepes & vias, assurgitque ex pingviori solo ad tres cubitos, radice fibrosa, & per hyemen durante, in terra late sese expandente. In hujus foliorum dorso observavit Christ. Joannes Langius, Oper. theor. pract. Part. 3. p. 438, ovula lutei coloris, in vermiculos, & postmodum in scarabæos abeuntia, quos p. 439 *Urtico-santbaros* vocat. Posterior humilior existens, nonnullis *sylvestris* audit, facie tristiori & exsucca quasi, foliisque angustioribus & durioribus, ast mitius longe urentibus prædita est.

§ X. Ex utriusque geniculis superioribus erumpunt juxta singula foliorum paria ordinariæ 4, sæpe 5 vel 6 racemuli, tres, quatuorve pollices longi, ii que in uno individuo *tantum flosculis*, in altero *non nisi fructibus* onusti. Floriferi decidunt non integri instar julorum juglandis & coryli, sed styli amittunt tantum flosculos, fructiferis autem adhærent semina F minuta, depressa, oblonga, cordiformia magis, quam ovalia, & quidem in capsulis membranaceis bivalvibus D, cordis inversi, vel ferri in hasta figuram habentibus.

§ XI. Hisce per omnia similis est § 6, tertio loco nominata *Urtica vulgaris minime urens*, a Menzelio, in Pugillo rarior. plantarum, Indici multilingvi connexo, descripta, ut, nisi manum admoveris, eam a prioribus vix distinxeris. Qui potentiam urendi inter notas essentielles urticarum numerant, negant quidem hanc plantam peculiarem inter eas speciem constituisse, eamque pro *spuria* tantum, & a naturali indole degenerate habentes, ad quotidie occurrentes naturæ aberrationes inter vegetabilia provocant: cum e. g. viola matronalis alba sæpe flores virides & inodoros, caryophylli rubri atque pleni semen flores albos, rubros, pictos, plenos simplicesque ex eadem area producat, absinthium absque amaritie, & raphanus marinus insipidus nascantur. Enimvero non opus est hoc loco monstra allegare, & præstat potius, de *uredine* inter signa urticarum diagnostica plane tacere. Quamvis enim per hanc qualitatem tactilem cæteræ species satis bene innotescant, nequeunt tamen per eandem a nonnullis aliis, itidem urentibus vegetabilibus, & ab urticarum tamen genere longissime remotis, absque recursum ad supra memorata signa, solide discerni: cum e. g. Phaseoli Zurratensis Parkinsonii hirsuta siliqua, arida ad nos delata, cutique leniter affricta, urticæ similem dolorem, brevi transeuntem, per villos suos rufos excitet, qui proinde joci causa balsamo, quem *veixier balsam* vocant, admiscuntur.

§ XII. *Secundam classem* constituit, quæ § 6, in ordine quarta est, *Urtica minor*, Plinio *Cania*, aliis *Canina*, Germanis *kleine oder heiter Meßel / haber Meßel* dicta, itidem racemosa, sed facile a præcedentibus separanda. Cedit enim istis longitudine julorum, foliorumque magnitudine, sed colore horum magis viridante, & urendi facultate superior videtur. Est præterea utriusque sexus in eodem individuo; quatenus semina, prioribus duplo majora, in oblongis, & in vertice duabus cristis, quasi aculeis, armatis capsulis G comprehensa, cum floribus in

racemis mista, alit. Malpighius in calyce flosculorum, instar vesicæ rotundo, se, succum glutinosum, terebinthinæ non absimilem, invenisse scribit. Nascitur hæc planta passim, quotannis ex semine largiter rediens, ut propterea a Trago atque I. B. ad luxuriantem pullitiem magis, quam ad vires respicientibus, *pestis hortorum* appelletur.

§ XIII. An ex tribus Americanis media etiam, ut duæ reliquæ, ad racemosas pertineat, cujusque sexus ac indolis omnes ac singulæ existant, definire nequimus; hoc saltem ex Tournefortio intelligentes, per calycem quinquefolium *a*, & angulosum semen *o*, hujusque receptaculum, volsellæ 4 simile, has species a reliquis abire, adeoque peculiarem characterem præ se ferre, & *tertiæ classis* membra esse.

§ XIV. In quarta classi stant *Urtica pilulifera*, quarum duas tantum species novimus, sola figura foliorum inter se discrepantes; dum in una albam illam racemosam referunt, in altera autem, quando adoleverunt, parietariæ similia sunt; & in juniore planta etiam majoranæ faciem habent, ut ea, verbis Raii, *Majorana Hispanica* Anglis dicatur, & incautos facile persuadeat, eam naribus admoveere; unde mordacibus ejus spiculis compuncti, risum spectatoribus excutiunt. Vocantur hæc *Romana römische oder welsche Meßeln*; non quidem ob natales, sed, verbis Lobelii, p. 223, Stirp. advers. *propter Romani seminis majoris majorem efficaciam*. Nam proveniunt non solum passim in calidioribus Italiæ, Hispaniæ, & Galliæ locis, sed in Anglia quoque, teste Rajo, sponte in plateis oppidi Iarmouth, & circa Aldeburgum, nec non in Basileæ pratis, autore I. Bauhino, propullulantque etiam in nostris hortis quotannis, absque cura Hortulani, ex semine, radicibus hyeme pereuntibus. Conveniunt cum præcedentibus ratione florendi per *racemos*; sed sunt inter *androgynos*, quo pacto a tribus primæ classis speciebus recedunt, dignoscunturque a reliquis omnibus per fructum, capitula

tula scil: rotunda H, five pilulas spinosas, ex octo, decem, pluribusve capsulis seminalibus L coagmentatas.

§ XV. Obiter h.l. notamus, capsularum atque seminum icones apud Tournefortium non esse accuratas; illis enim figuram dedit, qualem pictores cordi affingunt, cum mucrone acuto, basi sulcata, & superficie circumcirca spinis obsita I, quæ a mucrone basin versus in duo quasi hæmisphæria, vel duas lunulas dehiscens, semen *ovale acuminatum* (ovale pointue) contineat K. Sed autopsia docet, semen N non tam *ovum*, quam conum potius, vel corculum quodammodo depressum, cum basi plus minus rotundata, ejusque capsulam membranaceam L, *cuneum* fere vel conum inversum repræsentare, & in basi tantum elatiori spinulas gerere, latera autem ejus esse glabra, ut cum suis sociis in *sphæriculas* s. *pilas* aculeatas compingi queant. Insident tales pilæ tenuibus longisque petiolis, ex ala foliorum emergentibus, quibus *racemuli flosculorum* adstant. Unde patet, Tournefortium nimis generaliter in Instit. p. 534, de urticis scribere: *embryones iis speciebus innasci, quæ flore carent*; Rajum autem in urtica Rom. pariet. fol. *pilulas hirsutas in quosdam velut flosculorum racemos explicari* perhibendo, eas fugitivo tantum oculo, aut nunquam conspexisse. Argueretur enim hoc pacto natura erroris, quasi ὅς ἐστιν πῦρ ἐξ ὕδατος agens, jam præsentibus florigeris racemis, fructum in florem resolveret.

§ XVI. Huc quoque trahuntur a J. van Rheede & J. Caserio, autoribus partis 2, Hort. Malab. & a J. Commelino, in Comment. quatuor frutices Schorigenam', Valli-Schorigenam', Batti- & Ana-Schorigenam' dicti, figura foliorum habituque hirsuto & uredine urticis adeo affines, ut Rajus istis primum locum inter has concedens, descriptiones ex Horto Malab. in historiam suam transtulerit. Idque non sine turbatione manifesta ordinis numerorum, quatenus Batti-Schorigenam', quam cum arbore Brasiliensi Pino Marcgravii, eandem esse putat, *secundam*, &

Ana - Schorigenam' *tertiam* speciem vocat, cum tamen hanc *quartum*, illam vero *tertium* locum obtinere, ex antecedentibus pateat. An Tournefortio hi frutices innotuerint, & quid de iis statuatur, incertum est; cum nullibi eorum mentionem faciat. Si dicere licet, quid sentiamus, neutrquam hos frutices inter urticas tolerabimus, nisi novum specimen discrepantis earum characteris (quem dudum *quadruplicem* hactenus observavimus) exhibere, & *quintam urticarum classem* statuere animus fuerit. Quamvis enim prima species Schorigenam', cui altera Valli - Schorigenam', excepta volubilitate, per omnia similis est, a J. Commelino *eadem genere* habeatur cum Urtica pilulifera Diosc. & reliquæ in racemis suos flores & fructus gerant, ingens tamen ubique recessus ab urticis ratione *florum, calycum, seminum*, horumque *capsularum*, deprehenditur; ut proinde non nisi ratione foliorum *urendi facultatis* cum urticis conveniant; quæ characterem harum intrare, supra § ii negavimus.

§ XVI. Nolumus igitur hisce diutius immorari, ad ea potius transituri, unde, quomodo urtica non solum externo suo habitu nos lædat, sed eodem etiam & reliquis suæ substantiæ particulis insignia adversus morbos remedia suppeditet, cognoscimus. Το 'ὄλ' enim læsionis in ardoris sensu, ac rubedine, cuti inflicta, consistere, nemo, ab ea tactus, ambigit, quamvis quibus medijs id fiat, adhuc nesciat. Plinius H. N. L. i, c. 15, in determinanda agendi ratione, modo *aculeatam mordacitatem, mordacemque amaritudinem* accusans, modo *sine ullis spinarum aculeis* lanuginem urticæ noxiam esse, & levi tactu pruritus pustulasque, adusto similes, excitare scribens, dubiam sui animi fluctuationem satis prodit, duabusque quæstionibus occasionem præbet: An scilicet dolorificus effectus *ab aculeorum, ex caulibus & foliis prominentium, cutisque continuitatem dissolventium sola mechanica structura*, an vero simul ab *humore quodam acri, in vulnera projecto*, derivandus sit?

§ XVII. Priori assertioni haud obscure illustris Leopoldinae Societatis Praeses favet, dum in Scholio ad obs. 25, dec. 2, Ann. 2, de urtica sicca naribus foeminae, haemorrhagia earum laborantis, cum successu intrusa agentem, ita differit: *Scio equidem esse, qui Succum urticae causticum, acrem admodum & venenosum venditant, vim ejus urendi eapropter eidem imputantes, quam recentior per microscopia observatio confirmare nititur, succum istum in cutem, aspicularum impulsu laesam, per eorundem in extremitate videndum foramen instillari perhibens.* & paulo post: *Verum, uti urtica urendi vim spinulis acutissimis, in planta ista occurrentibus, post celeb. D. C. Bauhinum, exc. D. Chr. Langius in diss. de Morbill. egregie adseruit, ita flaccescentibus istis, aut tritu fractis & conquassatis pungendi vim adimi, sicque tuto ad compescendas narium haemorrhagias adhiberi, non est mirum: Succus enim ille, linguam si judicem admittamus, ab imputata acredinis culpa immunis omnino deprehenditur, lenemque potius aliqualem adstringendi, non corrodendi facultatem obtinet, in spiculis autem dictis licet microscopiorum ope cavitas revera occurrat, succum tamen in eis, qui quidem in basi eorum vesiculae in modum ampliatæ stagnet, reperire non potui, uti neque foramen illud, extremitati innatum, microscopia mea, licet alioquin non contemnenda, detegere valuerunt, a melioribus forte manifestandum.*

§ XVIII. Nec deest analogia, sententiam hujusmodi non leviter corroborans; quando Cleyerus, l. c. obs. 7, p. 20, eos refutaturus, qui ex vesicula, radici dentis serpentis adnexa, virus lethiferum in vulnus manare statuunt, exemplum famuli sui allegat, qui caput serpentis maximi repurgans, cum digitum dente majore, per coctionem cum aqua calcis vivæ, *ab omni gingivarum substantia* dudum liberato, fauciarum, iisdem symptomatibus correptus fuit, quæ vivi animalis morsus excitare solet. Quod phaenomenon ita quoque movet Mentzelium, ut in Scholio, p. 22, anceps sit, num vulnus, dentibus viperinis acutissimis inflictum, sive *veneno instillato*, sive *subtilitate sua, exitum cruori denegante*, sive *utroque modo mortalia inferat symptomata.*

§ XIX. Alteram quaestionem suam faciunt Hookius, Mi-

Micrograph. obs. 25, Borellus, in obs. microscop. Malpighius, Thes. botan. p. 67, Hoffmannus, in Clave Schroed. p. 567, Leeu-
vvenhoek, Epist. Contin. p. 107, et alii, qui nobisum nudo pariter
ac armato oculo & *cava urtica spicula*, & *humore* quoque *re-*
pleta viderunt, idque non tantum, ut Leeuvvenhoek loquitur, in
florentissimo floreendi statu, sed etiam cum teneræ adhuc plantæ
sunt, donec per ætatem iterum marcescunt, aut succus inspif-
satus fundum petit. Operæ pretium duximus, icones aliquot
ejusmodi spinarum exhibere, tam *curvas*, o, p. ut apud Leeu-
vvenhoekium extant, nimisque angustis & rugosis vesiculis in-
sidentes, quam rectas, sub lit. O, P, Q, R quales sese, in O & P cum
adhuc vigent, in Q & R autem exsiccata oculis ingerunt, observata
simul vesicularum iusta amplitudine, quater scil. minimum spi-
culorum capacitatem superante. Substantia earum videtur mem-
branacea, figura acuformis sive conica; haud vero triangularis, ut
plerique volunt, multo minus tricuspis, ut non nemo loquitur,
suntque ipsis spinis molliores, & breviter pressæ statim eructant
per apicem aculei guttulam limpidissimi laticis, ut gustari, & ad
experimenta impendi queat. Remittente pressione vesiculæ, re-
trocedit subinde guttula in canalem, manifestumque indicium
præbet hujus cuspidem *hiare*, sed forsan latera ejus, nisi a succo di-
ducantur, ita connivere, ut nonnullis impervia visa fuerit; qui
proinde eam, cuti infixam, frangi debere putarunt, ut contentus
liquor inde in vulnus effluat. Quod si expressa guttula non
retro cedit, nec per motum plantæ decutitur, tunc exsiccata
relinquit circa marginem cuspidis suas moleculas salinas, ut ab
his urtica etiam arida, tanquam telum veneno imbutum, ardo-
rem in cute excitare possit.

§ XX. Oritur igitur *dolor*, & *rubor*, atque *tumor non a solis acu-*
leis, autore Langio, l. c. *nervosas partes vulnerando*, *Archeum s.*
spiritum insitum partis læsæ statim irritantibus & accendentibus ut
ad ejectionem spinularum, in cute relictarum, cum spiritu influente
sang-

sanguinem ad effectum locum, ibique, per excitatam fermentationem pustulas cum ardore generet; &c. sed quod in apibus, scorpio, & viperis locum habet, *potissimum a liquore aculeorum salino sulphureo* admodum elastico, atque subito humores in puncta partis poris fermentante: quem licet nec cum alcali, nec cum acido congredi viderimus, linguæ tamen eum *urinosis* quid impres-
sisse, chartam *cœruleam flavedine* tinxisse, & *recenti vulnere digiti instillatum*, acres dolores excitasse, adhuc probe meminimus. Exhibet analogum *scabies*, cujus causam Helmontius in falso contagiosoque ichore, proprietatem *pruritivi & urticae salis* habente, consistere scribit, de Lithiasi, cap. 9, § 24, p. 75. Huc facit, quod, verbis Hoffmanni in Clave, si *liquor ex spiculis exprimatur*, *urtica sine metu urendi tangi possit*, unaque & eadem spina ad *repetitam* compunctionem cutis adhibita (ut ter quaterve interdum absque fractura ejus fecimus) & tandem succo exhausta, non magis urat, quam in arida urtica solet, quæ paucas adhuc exsiccati succi moleculas vulnere inferens, majorem quidem dolorem, quam ab ejusmodi tantillo telo provenire posset, excitat, sed longe mitius tamen fervet, quam si fluido adhuc succo turgeret, eumque guttatim vulnuscule inflicto instillaret.

§ XXI. Quando jam quæritur: *cur urtica*, more ferociorum gentium, crudeliter imperantes melius, quam mansuetos tolerantium, *manibus, eam blande & cum mora quadam contrectantibus, infensor, quam subito duriterque comprimentibus esse soleat?* respondet equidem Bodæus a Stapel, in notis ad Theophr. lib. 7, c. 7, p. 815, lanuginem duriusculam in superficie ab impetuosa compressione corrumpi, ut nocere desinat, simulque a frigore succi, ex planta expressi, ardorem excitatum subito obtundi: sed non venit viro doctissimo in mentem, id ipsum jam in quæstione esse, quomodo spicula sine dolore queant conteri? deinde nec semper succum herbæ exprimi, nec, si omnino simul extorqueretur, ejus *frigiditatem* in ardore restingvendo potentiores fore,
C
quam

quam nitri atque glaciæ, nullatenus confestim ab urtica uestis opi-
tulantium, esse solet. Propius igitur ad scopum videtur Leeu-
vvenhœk accedere, quando l. c. data opera urticas attingentes,
manum digitosque ita componere scribit, ut spicula urticæ non
nisi cutem volæ duriusculam, neutiquam autem mollem dorſi
ejus, aut interstitialem digitorum ferire queant. Præstat etiam
aliquid constrictio pororum incurvatæ manus, animique præ-
sentia, leviculas puncturas non valde curans, adeoque minus
sentiens.

§ XXII. Fuimus in recensione *lesionis*, ab urticarum aculea-
ta superficie metuendæ, justo prolixiores, hinc quænam ex ea-
dem in bruta non minus, quam homines *utilitates* manant, con-
cisiori oratione exponemus. Vocant Chirurgi *Urticationem*,
quando partes corporis recente herba, & imprimis Romana,
reliquis urentiori, cæduntur, ut incallescant cum rubore. Inter
Veteres Celsum primum fuisse, qui lib. 3, c. 27, *paralyticorum cu-
tem urticis exasperavit*, autor est Epiphanius Ferdinandus, Hi-
stor. 46, p. 140, pro sua ingenuitate DEUM testem efficaciam hu-
jus remedii, plurimis resolutis, post corporis decentem pur-
gationem, nunquam non salutaris, citans. Consentit ipsi to-
tus chorus Practicorum, ex quibus h. l. Riverium, Pr. lib. 1, c. 5,
Rolfincium, O & M. Med. consult. lib. 2, conf. 19, illust. Wede-
lium, Præceptorem & Patronum nostrum devenerandum, A-
moen. m. m. lib. 1, sect. 2, c. 6, nec non D. D. Præsidis diss. de *Æ-
gro paralytico*, manifeste sensum tactus inde recuperante, allega-
re sufficiat. Quid in *letbargo* crurum Urticatio valeat, ap. Pli-
nium, H. N. lib. 22. c. 13, & Aretæum lib. 1, c. 2, de cur. acut. p.
149, legi potest. Eandem nonnulli in parte, a profluvio sangvi-
nis remotiori, ad *revulsionem* adhibent.

§ XXIII. In *malo ischiadico* refert Hoeferus, Herc. med. p.
270, *Matronam medicatricem*, & D. D. Lanzonus, Eph. Germ.
Dec. 3, Ann. 1. obs. 34, *Rusticum* loca, per urticas rubefacta & do-
len.

lencia, spiritu vini, aut vino albo generoso abluentes, adstanti-
um obtinuisse admirationem. Sed non opus esse arbitramur,
si omnino propria experientia destitueremur, medicastro-
rum miracula allegare, quæ certe Practicis dogmaticis quotidiana
sunt: quatenus hi, quamdiu recentes urticæ haberi possunt, eas
applicant, hyeme vero per vesicatoria atque fonticulos adversus
dolentissimum istum affectum, pugnant. *Qui uterum prola-
psum & propendens intestinum rectum urticis feriunt*, ut intro fugi-
ant, autores audaciæ suæ, præter priscos, Dioscoridem, Plinium
atque Avicennam, etiam J. Bauhinum, H. Pl. lib. 30, c. 69, p. 446,
G. a Turre, H. pl. lib. 2, c. 73, p. 465, nominant: quos tamen nos
non magis imitabimur, quam a *podagra aut arthritide rubentia
loca*, spe evocationis materiæ peccantis ad exteriora, urticantes;
cum sciamus, hæc non semel malum ulterius irritasse & in-
flammatione nocentissima auxisse. Est enim urticatio remedi-
um quodammodo crudele, a quo D. D. Præses non minus, ac a
vesicatoriis, ipsaque scarificatione quosdam delicatiores dolo-
ribus, ad animi deliquium & convulsivos tremores acerbis, sub-
jectos fuisse vidit.

§ XXIV. Perfricent itaque, ut ex Aristotelis lib. 3, c. 20, Hist.
animal. audimus, pastores caprarum harum ubera, donec post
cruorem atque pus etiam lac emulgeant; nos certe nemini
hominum, ut in se tale quid admittat, autores erimus; quamvis
Albertus Magnus, lib. de Animal. c. 3, se hoc modo sæpius in
mulieribus lac productum vidisse scribat. Cum vero bruta per
genitalium urticationem ad coitum incitentur, tentari posset
eadem in *viris frigidis*, qui ab uxoribus, ante expetitum coitum,
non nisi virgis cæsi, ad prælium armantur, adeoque sua voluntate
coacti cum spe voluptatis vapulant. *Habet enim, verbis Portæ,
lib. 4, Mag. nat. c. 26, urtica in generationis partibus movendis at-
que excitandis, nescio quam vim, ut ea quoque gallinarum & galle-
rum pectoribus (deplumatis) verberatis aut confri catis, glocitare*

eos statim faciat, atque ova incubare, aut pullos recipere & fovere cogat.

§ XXV. Ne vero doloris impatientes absque solatio dimit-
tamus, svademus, ut quamprimum data opera, aut impruden-
ter ab Urtica ulti sunt, antequam ad remotiora remedia confugi-
ant, mox lædentem herbam quovis modo conterant, & expresso
inde succo sese oblinant, qui ille ipse est, de quo loquuntur, om-
nem urendi vim solis aculeis, nihilque latici eorum vesiculari
tribuentes, quando, ut § 17 relatum legimus, urticae succum a
culpa acredinis immunem, lenique potius aliqua adstringendi facul-
tate præditum esse ajunt. Pollet enim particulis *gummosis, terreis,*
& sale quodam nitroso, & temperat equidem ardorem, sed tollit
eum neutiquam actutum, quod nec reliqua etiam vulgo com-
mendata auxilia, scil: lini, olivarum, hyoscyami, albumen o-
vorum, cortex medius sambuci, succus nicotianæ, lactuca, por-
tulacæ, & frigidæ gleba, O, &c. præstare valent.

§ XXVI. Ex allatis succi expressi qualitatibus jam judicare
licet, quo jure Urtica ab Avicenna & Fernelio, lib. 5, de m. med.
c. 25, aliisque, inter herbas in *tertio gradu calidas* referatur, a Ga-
leno autem, Dodonæo atque Chabræo, *primus tantum caliditatis*
gradus ipsi assignetur: quatenus scil: isti a superficie, & succo
spinarum calidissimo, ad totam plantam argumentantes, non co-
gitarunt, in contusa, cocta, aliisque modis examinata urtica nil
excessivi inveniri, modicumque illud & acre spiculorum, per
contusionem cum reliquis totius substantiæ aquosis, gummeis,
olis, & visque particulis permixtum, prorsus ab his dilui &
obtundi, ut *sapor austeriusculus, levissime amaricans,* virtusque
modo *aperiendi & abstergerendi,* humorumque fluxum promo-
vendi, modo *temperandi sanguinis motum p. n. atque cohibendi*
pro re nata, & applicationis ratione, inde fluat.

§ XXVII. Percipitur autem hæc *contrarietas affectuum* non
solum a *distinctis partibus* hujus plantæ, quatenus scil. semen,
ma-

majori salium, magisque a terra expeditorum copia, quam radix & herba gaudens, ad resolvendi stimulantique scopum sese activius illis gerit, adeoque suo merito a Veteribus secundo gradu calidum & siccum aestimatur: Sed etiam una eademque radix, idemque folium, & succus idem morbis diversis, & a discrepante causa ortis, opponi solet, ut ex sequentibus patebit, quando phaenomena, circa motum sanguinis se inde exerentia, in scenam producentur.

§ XXVIII. Notum enim est, quantam semper spem Medici in urticam adversus *excretiones sanguinis* collocarint, ut a recentioribus, Carolo Musitano, Chir. theor. pr. Tom. 2, c. 33, p. 152, & Theoph. Boneto, Thesaur. med. pr. Tom. 1, lib. 2, c. 49, § 76, pro *remedio specifico* earum habeatur. Hinc in hamorrhagia narium herba viridis & sicca, nec non radices conquassatae, & succus turundae illitus, aut ad consistentiam solidiorem inspissatus, ipsis tuto ingeruntur: ut proinde singularis Eucharii Roslein opinio, Herb. p. 303, quasi *minoris urticae succus sanguinem ex naribus eliciat*, neminem ab ejus usu abstertere debeat, cum hic praereliquis a Schroedero contra narium cruentationem commendetur. Sunt, qui eundem succum cum *fuligine*, aut pro interno externoque usu cum *stercore asinino* miscent, ut in Amoen. mat. med. lib. 2, f. 2, c. 19, p. 507, magni Wedelii legimus. Roder. a Castro, uniu. mul. morb. med. p. 2, lib. 1, c. 5, Eman. Vaezium, septuagenarium, saepe narium hamorrhagia divexatum, semper siccata asini excrementa, succo urticae imbuta, secum in capsula, tanquam remedium, sibi simile non habens, gessisse scribit. Idem praestare *radicem ore detentam*, autor est, post Riverium, Stokerus prax. aur. de collo *suspensam*, Petrus, Nosol. Diss. 22, § 29, p. 231, *herbam sub axillis gestatam*, Tabernae montanus, *succum temporibus & fronti applicatum*, Diosc. Plinius, Bauhinus, Ruellius &c.

§ XXIX. In haemoptysi putat equidem Franc. Ignat. Thiermair, lib. 2, Consil. 4, succum non tuto in principio adhiberi; sed

tunc demum, quando, post diuturnum sputum sanguinis, pars ejus, in pectore stagnans, in pus, mature expellendum, abiit, convenire: sed innititur hypothese de caliditate urticae, supra § 24 inprobatae, confunditque feminis & herbae operationes: ut proinde ipsi merito aliorum experientia opponatur. Inter quos Amatus per succi quatuor uncias, diebus quinque aut sex continuis mane potas, herbamque ipsam, jusculis incoctam, ægros, a Medicis desertos, restituisse, testatur. Qualem Willisius emulsionem ex sem. rec. pap. alb. hyosc. & melon. cum decocto rad. urticae; ut & potiunculam ex foliis urticae, plantag. bellid. contusis, & cum portulacae expressis, contra cruoris sputum paret, vid. Part. 2, S. 2. c. 7, Pharm. rat.

§ XXX. *Hæmorrhoides immodicas* in Regio Consiliario, per venesectionem, aliaque remedia haud coercibiles, Riverius feliciter per duas uncias succi urticae, levi ebullitione depurati, cum paucis saccharo, sedavit, Cent. 4, obs. 81: cujus remedii efficaciam ex aliis quoque Medicis sibi D. Tancredum Robinsonum probasse, scribit Rajus, l. c. p. 161. Cnæffelius, in app. Eph. Germ. Dec. 1, ann. 6, & 7. p. 119, laudat in hoc casu cingulum, ex *linteo urticae crudo*, (forfan ex radice textu) spermate ranarum insuccato. Verum præstat quodlibet lintheum succo herbae imbuere, vel eandem contusam in cataplasmatibus forma dorso alligare; cum hacce ratione nuper admodum, suasu D. D. Præsidis, vir consistentis ætatis convaluerit, qui antea per aliquot annos nucem mosch. atque mace, & postmodum, his non amplius juvantibus, sola tinctura antiphth. Grammanni aliquoties diuturnum, & vires admodum prostermentum fluxum, compescuerit.

§ XXXI. Cum tandem urticae folia contusa, vulnerique indita, mox sanguinem suppressere, Fernellius testetur, M. M. lib. 6, 13, ejusque succus a Riverio, Pr. lib. 4, c. 7, p. 278, miris laudibus *ad quemlibet fluxum sanguinis, ex quacunque parte prodeuntis* cohibendum, efferatur; hinc mirum non est, eundem lib. 15, c. 3, p.

444, etiam ad *fluxum mensum immodicum* laudari, & succo plantaginis, millefolii, aliisque, ibidem recensitis efficaciorē statui. Radicem de collo suspendit Wittichius ad lochia nimia; alii alia tentant, quibus facultatem plantæ traumaticam adeo manifestam reddunt, ut de ea ambigendi nullus locus relinquatur.

§ XXXII. Quamvis enim in contrarium ex Fernelio locus, supra § 24 tactus, allegetur, ubi urtica *acris, & tantum absterfione* *valeus* dicitur, ut *ventrem subducatur, renes infarctos expediat, calculosq; terat*, adeoque minime pro ischæmia sese gerat: *virtuti* autem *mensēs nimios sistendi*, ejusdem *emmenagoga* opponatur, & post Dioscoridem, ab Avicenna, Bauhino, Quercetano, aliisque *eam*, five cum myrrhæ modico bibatur, five cum eadem trita utero imponatur, *mensēs evocare* asseratur; Alpino item teste, Ægyptiæ mulieres nil habeant, quo magis uterum excalefacere, munda-
re, & ab obstructionibus liberare soleant. Salva tamen manet antecedens thesis; pro cuius vindicatione veteres quidem ad *virtutem* quandam *propriam & occultam qualitatem* provocabant, & ab ea heteroclitos ejusmodi effectus derivandos esse, dictitabant; quibus & recentiores suum calculum eatenus, & sub certa limitatione addunt, quatenus ante omnia supponunt, hætenus *non de seminis, sed herbae* potius ac *radicis* sanguinem sistendi vi sermonem institutum esse: deinde sæpenumero *causæ fallaciam committi, primariamque* cum *secundaria*, & *per se influentem*, cum ea, quæ *per accidens* concurrit, confundi, & præterea nec *omni tempore*, nec in *quolibet subjecto* effectum promissis respondere. Hinc quamvis urtica particulas valde heterogeneous, *aquosas* puta, *diluentes*, deinde *terreas, gummosas, obtundentes* atque *temperantes*, & denique *salinas, & as, sulphureas, resolventes, abstergentes & aperientes*, obtinet, & harum beneficio diversa & contraria phenomena exerit; æque ac rhabarbarum & ipecacuanhâ solent, quæ in eodem agro dysenterico *sulphureis salinis* suis particulis sedes vomitusque excitant, *gummosis* vero atque *terreis* dolores & ex-

& excretiones tollunt: potissimum tamen, ob *variā dispositio- nem objectorum, & peculiarem crāsin sanguinis*, reliquorumque humorum misturam, tot difformium operationum causa evadit. Prout scil: secundum vulgatum illud axioma: quodlibet agens, non pro suæ activitatis ratione, sed pro patientis ad recipiendam ejus actionem aptitudine, operatur, adeoque sol, duram ceram molliens, molle lutum indurat; camphora membra frigida calefacit, & inflammata refrigerat; optimum vinum hos lætos & jucundos, illos tristes & morosos, trucesque istos & contentiosos reddit.

§ XXXIII. Quibus ita fusius in genere expositis, nullo labore recitatarum restantiumque urticæ operationum speciales causæ inveniri poterunt: ut proinde satis fuerit, levi brachio singularum ejus partium commoda, in *culinam, pharmaciam, chirurgiam, remque domesticam* redundantia, expendere.

§ XXXIV. Antiquos herbam in cibum assumisse, iisque, pro istorum temporum frugalitate, jucundum fuisse, ocimo & urtica sese recreare, legere datur ex Verg. Marcello, apud Dorstenium, in Botan., quadratque huc ex Persii sat. 6, (nisi piscem forsan intellexerit.)

— *mibi festa luce coquatur urtica.*

Alias evadunt novellæ plantæ summitates medicamentosæ, quando, ut Rajus scribit, l. c. Matronæ Anglicanæ eas cum foliis, primum erumpentibus, verno tempore jusculis incoquunt, ad *sanguinem depurandum*. Si vero prius aqua leniter coctæ, cum o & aceto assumuntur, *vomitum excitant*, ut turiones sambuci solent, teste Steechio, Art. med. lib. 6, c. 55, p. 36, solvuntque alvum, secundum Schrœderum, & utrumque quidem cum euphoria, ut ex Fernelii lib. 5, c. 13, de M. M. patet: *Urtica oxymelle, raphano domestico, & peponis radice aliquanto acrior, non modo e ventriculi capacitate, sed partibus quoque ei vicinis crassos humores evocat, ac facile minimoque labore vomitu pellit, nec calore, nec acrimonia quicquam offendens.*

§ XXXV.

§ XXXV. Poterit hoc pacto recte *alexiterium cicuta & hyoscyami*, nec non *cerussa & fungorum* a nonnullis saluari: quatenus assumpta nocitura per vomitum expellit. An vero cum energia sufficiente a Nicandro, Apollodoro & Quercetano venenis serpentum atque scorpionum, & a Dioscoride canis moribus, gangrænis item, & carcinomatibus, sordidisque & cacoethicis ulceribus, nec non luxatis, panis, parotidibusque &c. opponatur, aut inter morbillos & variolas expellentia remedia, absque periculo turbationis conatum naturæ, a Schroedero, in tumultuaria virtutum recensione, & Sam. Mullero, in Vade mecum botan. p. 890, referatur, merito dubitamus, nec, præsentibus efficacioribus, in proletario ejusmodi pharmaco acquiescimus.

§ XXXVI. Apud Hippocratem, lib. 2, de diæt. § 27, edit. Linden. stat urtica inter τὰ ἀγρία λάχανα, *olera sylvestria*, & subnectitur immediate una cum scolopendrio, mentha, fefeli, caucalide & hyperico τοῖς χυμοῖς διαξηηνοῖς, crethmi scil., apii, allii &c. Hinc quamvis a Foëlio, Sect. 4, p. 360, per mutatam interpunctionem, ea cum suis sociis mox ad sequentia διαχωρηθῆναι, καὶ καδαγνηθῆναι, cicer puta, lenticulam, hordeum, betam &c. deiiciatur, horumque proprietates ab ipso Hippocrate in antecedentibus lineis expositæ, in ipsam magis, quam diureticorum notæ, ibidem recitatæ, quadrare videantur, sumus tamen persuasi, Lindenium Coi mentem clarius quam Foesium perspexisse, cum ipse Dioscorides foliis coctis, præter vitutem *album emolliendi*, etiam *urinam movendi*, aperte tribuat, & per sequentium seculorum experientiam tota planta in classem medicamentorum, calculum *imminentem prohibentium*, *præsentemque resolventium* transierit; dum Medici hanc virtutem ex insigni ejus abstergendi, materiamque viscidam, tartaream & sabulosam, cum euphoria & levamine ægrorum, per urinam educendi potentia, concludentes, eam passim a tartaro calculoque afflictis commendarunt, ut hodie non tantum in una alteraque Serenissimorum Principum aula, sed etiam ab aliis personis folia loco thee usurpentur: idque optimo consilio, cum hac ratione crassiores impuritates chyli per alvum,

& subtiliores per vesicam educantur. Tabernæmontanus propinat ʒi flosculorum cum vino rhenano calefacto. Leviathan Rabbi, citante Heurnio L. 2, Meth. ad prax. p. 191, miscet succi urtic. græc. ʒiib, cum ʒo amygd. amar. ʒj, vin. rhen. ʒiib, præsentissimumque auxilium ex hac potiuncula ter quaterque ægro oblata, non sine ratione pollicetur.

§ XXXVII. Postquam Dioscorides urticam, cum ptisana coctam, etiam *vitia pectoris extrahere* scripserat, herbam modo solam, modo cum semine & radice sumtam, apud Plinium, Galenum, Avicennam, Bauhinum, Scribonium, Sennertum, Quercetanium, Rolfincium, a Turre, Musitanum aliosque plurimos, sub varia, conservæ, trageæ, infusi, decocti, sirubi &c. forma, pro tussi, asthmate, orthopnoea, ipsaque phthisi, imo pleuritide & peripnevmonia laudatam deprehendimus, prout scil. vel digerendi & resolvendi, vel temperandi & evacuandi necessitas ejus usum indicarunt.

§ XXXVIII. Propter multitudinem enim suarum qualitatum, non solum tot recensitis malis apta est, sed ad aliorum insuper mitigationem utilis evadit. Unde Bayrus de morb. distinct. 1, tract. 5, c. 3, ad *epilepsiam*, a succo melancholico dependentem, inde levamen petit. Christ. Wirsung, Herb. part. 1. c. 9, p. 120, succum *auribus, vermibus scatentibus*, instillat, simulque radicem comedendam exhibet, extemporaneum inde effectum spondens. Non tantum, qui ex *signatura* vires medicamentorum aestimant, ex colore flavo, quo radix, cum ovis & linteis cocta, ea inficit, hanc ad *ictærum* idoneam censent, sed alii etiam ad elementa ejus magis attendentes, eam ob facultatem aperiendi in hoc affectu expetunt. Ex multis formulis unam adducemus minime artificiosam, quam Willisius celebre Antictericum Gesneri vocat, Ph. rat. p. 2, f. 2, c. 1, p. 146, ~~Ex~~ rad. urtic. maj. ℥j, Croci ʒj, contundantur probe, & cum vino albo extrahatur tinctura, dosi ʒiij, mane per 4 vel 5 dies. Legitur idem remedium apud Tabernæmont. p. 922, & in Jonstoni quoque Synt. univ. med. pract. lib. v, p. 970, sed suppresso autoris nomine, & sine ulla dosi, & modo utedi

§. XXXIX. Idem Ionston ponit inter *magica remedia*, quando icterici, quotidie in urticas virentes mingendo, reconvalescunt, quamprimum hæ exarescunt. Quorsum etiam modus *eventum morbi* hariolandi pertinet, quando Durantes ex urticæ, recenter evulsæ, & per viginti quatuor horas in ægroti lotio aservatæ constante viriditate vitam, ex mutato autem ejus colore, grave periculum, & mortem prænunciare, jubet. Certius his signum superstitis vitæ Tabernæmontanus ex *rubedine* sumere docet, si eam hominis, sine sensu & motu jacentis, urticis casæ partes induunt, mortis vero, si pallidæ manent.

§ XL. Pro *lienosis* miscet Dioscorides urticam cum cerato, fiuntque inde fots & cataplasmata pro *apoplecticis & paralyticis*, nec non *articulorum doloribus* vexatis, adiiciendo adhuc alia, singulis affectibus convenientia, quæ ap. Cardanum, Heurnium, Sennertum, Ioh. Schenkium &c. videri queunt. Sic pro *febr. intermitt. fugandis* a Theoph. Eresio, Nicolao Nicolo, cap. de Tertianâ, Langio L. 1, Ep. 53, Cratone lib. 5, Conf. 26, &c. nunc radix sola, nunc folia, sale, meliloto, sem. papav. albi & nigri mista, temporibus, carpis atque pedibus alligantur. Gargarismata *ad uvam, ex inflammatione tumentem*, laudat Dioscor. ex succo; quæ alii ex aceto prorenata, aut vino, cum radice cocto, parant. Sennertus, omisso aceto, retinet vinū, additque urticæ herbas adstringentes, & radicem pyrethri atque zingiber, pro *uvula & gingivis firmandis, sordidis oris ulceribus* extergendis, *orisque foetore* corrigendo. Ingreditur igitur herba nostra etiam Aquam I. B. Portæ, a Musitano. Trutin. med. chim, lib. 1, c. 36, p. 355, valde laudatam adversus *mobilitatem dentium*; quorum *dolorem* Riverius lib. 6, c. 1, decocto, ex radice & pauxillo N Mosch. atque croci cum aceto & vino concinnato, & calide in ore detento, vel ficibus, pane, foliisque urticæ simul in cataplasma contusis, maxillisque admotis, mitigare studet. Heurnius, de dent. morb. p. 502, imponit ipsis dentibus *urticæ cineres* cum succo porri, quos novimus hodie a nonnullis, ceu singulare arcanum, in petium ligari, ut inter dentes contineri queant. Forestus succum herbæ cum ☐

pueri mistum, & *utero ulcerato* injectum, eum mirifice purgare tradit, obs. 48, lib. 22.

§. XLI. Non minorem hactenus relatis virtutem quendam aquæ, ex herba per vesicam destillatæ, adscribebant; quod tamen impossibile esse, facile cognoscet, qui particulas salinas atque *Æas* urticæ fixiores esse, considerabit, quã ut rudi ejusmodi opere ultra alembicum transeant; quin potius, post expressionem validam capitis mortui, & ulteriorem brodii inspissationem, in rob ingrati & amaricantis saporis abeant, simulque & concretum quoddam tartareum, sive sal essentielle, ut vulgo vocant, præbeant, minime speciosum aut crystallinum, ut ex acetosa, aliisque valde sapidis herbis venit, sed lutosum fere, & exiguis spiculis ornatum. Quod si vero herba tota contusa, & post aliquod dierum fermentationem, cum affusæ aquæ s. q. vesicæ, vel sine peregrino humido B.M. traditur, prodeunt liquores sapore suo acri atque odore (ab initio halecibus infumatis fere simili, lapsu temporis autem gratiori evadente) salis sulphurisque resoluti præsentiam testificantes, adeoque in multis quidem a nativa plantæ indole recedentes, nec ad sanguinis fluxum amplius impendendi, sed ex adverso ulcera sordida & cutis vitia abstergendo, obstructions viscerum aperiendo, sudoremque & urinam ciendo, ipsi multum superiores.

§ XLII. Post Romanas, præstat ad has operationes urtica minor, cujus rob non adeo saporis abominabilis existit, ac majoris: Cum contra ea hujus radicis decoctum per inspissationem saporem subdulcem, & nescio quid violaceum referentem acquirat, virtutis egregiæ & matri suæ conformis. Extrahitur inde facili negotio per *ψ* tinctura rubella, blanda, pectoralis & diuretica, pro lubitu cum aliis miscenda.

§ XLIII. Oleum æthereum ex herba fermentata nec expectavimus quidem: ex non fermentata autem contenti fuimus vidisse miculas quasdam oleiformes, liquori innatantes, non nisi per apicem digiti capiendas, lingvæque non æque adversas; si vero radix sicca in retorta vitrea calore forti urgetur, fundit ab
initio

initio liquorem aquosum, quem alius acris, nebularum forma maxima ex parte prodiens, sequitur, cum oleo duplici, uno supernatante fusco, altero fundum petente nigro, & salis volatilis moleculis, parietibus excipuli affixis. Est horum omnium odor empyreumaticus, & si oleo gravior, sapor linguam diu mordicans; ut proinde nil minus, quam urticae qualitates, si diuresin exceperis, possideant.

§ XLIV. Caput mortuum nigrum, leve, per ulteriorem calcinationem in cinerem redactum, longe minorem molem salis fixi offert, quam radix, eadem quantitate aperto igne combusta solet; ex qua, ut & ex herba ipsa notabilis istius quantitas colligi potest. Album hoc fit & scintillans, si per repetitam solutionem & coagulationem depuratur, ut quod hujus generis salia faciunt, acidum morbosum in primis viis obtundendo, viscidas cruditates resolvendo, alvumque nonnunquam & urinam ciendo, plurima commoda hypochondriacis, & scorbuticis, acore justo nimio humorum onustis, praestet, retineatque hoc pacto *salis stomachici* dignitatem, a nonnullis ipsi obtrusam, si, ut in pulvere Birkmanni fit, aliis absorbentibus, incidentibus & aromaticis miscebitur, ubi quantum in se est, acorem vitiosum temperabit, reliqua autem ingredientia circa calorem vitalem, tonumque & fermenti vigorem occupabuntur.

§ XLV. Non possumus non hoc loco varietatis figurarum, quibus frigus in lixivis vegetabilium congelatis ludere solet, meminisse, dum schemata plantarum crematarum, earumque partium subinde adeo nitide adumbrat, ut ea spectantium animis, nescio quam opinionem de virtute seminali, ideoque totius concreti, in ejus cinere & se fixo latitante, ingenerent. Memorabile est inter alios, non superficialia eruditionis viros, etiam Quercetano talismodi phantasmata illuisse, ut debile lixivium, ex urticae cinere tractum, & per noctem in testa a frigore in glaciem constrictum, mane videns, verbis Helmontii, § 12, Tr. Pharmacop. ac Dispens. nov. p 438, miratus exclamaret: *Ehem frondium urticae figuram in glacie conspicio! gavisusque axioma fundaret:*

quod in cinere ens seminale figurativum herbarum, ignibus inditum, permaneret.

§ XLVI. Quales harū frondiū, in [glacie depictarum, facies fuerint, cum nec Helmontius, nec ipse Quercetanus scripto reliquerint, lubet eas, quæ nostris oculis præterita hyeme plus simplici vice, distinctisque temporibus constanter, lit: S, T, V, in lixivio, X, autem in decocto herbæ sese obtulerunt, exhibere, quibus bina melissæ num. 1, 2, & totidem betonicæ, no. 3, 4, atque salviæ no. 5, 6, archetypo satis bene respondentia schemata, in aquis destillatis visa, una cum istis figuris, quæ no. 7, & 8, in hyssopi, & no. 9 in tussilaginis Vis, origini non adeo similes apparuerunt, subiunximus. Idque in eorum gratiam potissimum, qui Spiritum aliquem Mundi architectum ejusmodi spectaculorū faciunt; ut cognoscant, eum circa urticas, neglectis cæteris earum partibus, id quod maxime mirabile in iis est, repræsentando *valde ingeniosum*, circa sex reliquas *solertem*, in tribus ultimis autem de pingendis, *oscitantem negligentemque* exhibuisse.

§ XLVII. Sed missa lubrica glacie, ejusque levibus umbris, ad *seminis vires*, & reliquos urticæ usus exponendos redeundum est. Colligitur illud mense Julio & Augusto, in primis Romanum, nostrate activius, quod in calidioribus regionibus natum, ad primam mansionem tertii caloris gradus assurgere, ajunt, cum apud nos natum, in secundo subsistat. Mirum itaque videtur, ipsum a Petro de Abano, c. 50 de Venenis, adeo acre statui, ut *comestum os & guttur excoriet*, & *miētū ardentem* reddat, & proinde oleum amygd, dulc. lapis bezoar. & mucilago sem. cydonior. bibi debeant. Fluxit error sine dubio ex verbis Dioscoridis, quibus istud *erodentibus medicamentis admisceri* asseritur: unde Vid9 Vidi9, Part. 2, lib. 2, c. 3, p. 339, de curat. generatim, occasionem nactus est, semen inter *immodico calore nocentia*, *universum corp9 inflammantia*, *ardorem in ore, gula, ventre & intestinis excitantia*, *eaque exulcerantia* numerare: Cum contra ea Galenus, lib. de med. simpl. recti9 latissimum vocabuli erosionis sensum perspiciciens, semen æque ac herbam *minime vehementer calefacientem* aut *mordacem*, sed *digerentem* poti9 & *resolventem*, & *sine morfu exsiccantem* facultatem obtinere doceat.

§ XLVIII. Quid in pectoris affectibus valeat, ex antecedentibus liquet.

liquet. In urina cienda, calculoque movendo reliquas urticae partes multum superat, quacunque forma usurpatum. Encomia ejus vid. ap Trallian. L. 9, Rolincium, l. c. Frid. Dekkerum, Exercit. pract. circa m. med. Mynsichtum, Musitanum &c. Hoffmannus in clave, p. 567, jubet die Mariæ Magdal. cum ☉ ♀ ingreditur, tempore matutino semina, rore adhuc madida, colligere, eorumque in umbra siccatorum ℥iii, cum pulu. foliorum quercus tenell. & liquirit. ā ℥ii saccharique s. q. ad gratiam miscere, & singulis pleniluniis ac noviluniis ℥℥ ad ℥i pro calculo expellendo propinare. Faventing ex decocto sem. urtic. nap. ā ℥ii, rad. gram. saxi. frag. ā ℥℥ c. ▽ parato, & cum nuc. perficor. ℥i, in emulsione misto, post aliquantulum somnum, *miſtumque lapideum* promittit.

§ XLIX. Virtus *aphrodisiaca*, præter Medicos veteres atque recentiores etiam meretricibus innotuit, quæ, I. Bauhino teste, id amatoribus suis stimuli loco ad venerem porrigunt. Vehiculum ipsius a Dioscoride laudatur passum, sec. Æmilium Macrum de Herb. virtut. autem

Cum vino bibitum venerem semen movet ejus, (scil. urticae)

& melius trito, si jungas melque piperque.

An ex flatulentia, actu vel potentia tali hæc virtus sit derivanda, illi definiunt, qui hanc, ex Galeno desumptam distinctionem, ventilare amant. Carminativum enim semen esse, cum ejus elementa, tum Amati cur. 95, Cent. 6 docet, ubi viro, loco geniturae flatum excernenti, inter alia, etiam illud commendatum legimus. Idem *uterum aperire*, autor est Dioscorides, unde *sterilitati* interne atque externe opponitur, apud Sennertum & passim. Purgat uterum, ciet menses, medetur *passioni hysterica & fluori albo*; de quibus vid. Hippocrates, de Nat. mul. & alii.

§ L. A *purpura* serenissimam personam urticae semine, per 14 dies usurpato, liberatam fuisse, didicimus ex Colleg. Wedeliano de morb. extern. sect. 1, c. 1. Contra febrem intermittentem quotidianam adhibetur a Mercato, lib. 6, de febb. p. 415, in forma pilularum, quas Avicenna ex agar. & sem. urticae ā ℥ii, cum melle conficere consuevit. Externe ingreditur clysteres & emplastra rubificantia pro *apoplecticis*, quibus Empiricus Wurtenbergensis linguam fricando loquelam reddidit. Cancro inspergit pulverem Theod. Dorstenius, Botan. fol. 301, præeunte Galeno & Fernelio l. c. Oleum expressum alvum emollit, sumtum & per clysterem injectum, pellit urinam, facit ad expectorationem, instillatur auribus ulceratis, illinitur pernionibus, imo, quod mireris, labiis etiam mammisque fissis. Si ℥℥ sem. urtic. min. cum ℥iv rad. raphan. sylv. in taleolos secti, rad. ari & pip. long. ā ℥ii (forsan ℥ii) cum vini malvat. vel rhe.

Rhenani opt. f. q. per 140^o digeruntur, hinc per alembicum liquor evocatur, prodit Aqua ad ariduras Hoffmanni, in Thef. pharm. S. 1, no. 8, descripta, qua lintea madefiunt, iisque membra arida bis terque in die fortiter fricantur, ut incalescant.

§ LI. Cum illustri Wedelio autore, cap. 2, de sale vol. plant. p. 11, in semina plantarum, ductu naturali, & extraneo calore vegetante solari, vis & anima quasi omnis abeat, recumbatque in his, ceu in puncto ultimo, sal volatile, inclusimus ℥xv sem. urtic. maj. & vitreæ, ubi prodiit ex balneo sicco phlegma per guttas, mox ☿ nebulosus, cum salis volat. crystallis flavis, diaphanis, absque certa figura & angulorum numero, capaci excipulo affixis, & tandem ☉ crassum foetidissimum, quod cum ∇, ☿ & sal. volat. confusum, pendeat ℥v, quæ salis fixi, partim ex ☉ hujus distillationis, partim ex herbæ cineribus extracti ℥x superfusæ, prævia aliquot dierum digestionem, ex cucurbita liquorem penetrantissimi odoris atque saporis, olei flavi modicum, nil vero salis volatilis largiebantur. Abierat enim pars ejus in poros phlegmatis, ut totus latex ☿ um referret, parte altera a ☉ nigricante absorpta, ex quo per cohobationem in alembicum post ☿ um & ☉ elevabatur, quantitate fere majore, quam ex ☿ prodierat, manifesto indicio, portionem olei salinum habitum induisse, ab igne & sale fixo alteratam.

§ LII. Semen urticæ minoris fundit quidem largiorem humiditatem, quam modo dictæ majoris, sed est debiliior sapore atque odore: quam sine dubio reliquis speciebus multo activiorem Romana suppeditasset, si huic labori sufficiens pondus præsto fuisset.

§ LIII. Claudimus tractationem urticarum usu earum domestico. Papulares mei, inquit S. Pauli Quadr. Bot. certo experimento cerevisiæ recentis intempestivam fermentationem inhibent, eamque a tonitru defendunt, collocando in doliis urticam urentem maximam, & frustra chalybis. Sit fides penes antorem. De lineis pannis delicatis, in India orientali apud Calecutos & Goas ex urticarum cortice, diu in aqua macerato textis, & inde in regiones occidentis translatis, legi potest Lobel in stirp. Adv. An, quod nomen suadet, isti panni idem sint cum hodierno Metel vel Neseltuch, in medio relinquinus, Mercatorum nostrorum negligentiam in cognoscenda origine mercium suarum merito increpantes. Videri possunt de hac materia Georg. a Turre Hist. plant. lib. 2, c. 73, p. 461, & Jacobus Wolffius Scrut. amuletor med. C. 2, sect. 1, p. 200.

D. S. L. H. E. G.

I. S. A.

2
GEORGII VVOLFFGANGI
VVEDELII,

HEREDITARII IN Schwarza/
MEDICINÆ DOCTORIS, COMITIS
PALATINI CÆSAREI, SERENISSIMORVM
SAXONIÆ DVCVM CONSILIARII ET
ARCHIATRI, THEORETICES
PROFESSORIS PVBLICI
ORDINARII,

FACVLTATIS MEDICÆ
DECANI,

Propempticon Inaugurale,

DE

SABINA SCRIPTVRÆ:

IENÆ,

TYPIS CHRISTOPHORI KREBSII.



Sapientissimus omnium me-

rito celebratur SALOMO, rex Israelitarum, tum ob alias animi excelsas dotes, tum ob scientiam rerum naturalium, & quæcunque in his ab homine sciri & cognosci possunt, unde & reconditæ huius sapientiæ in scriptis velut aureolæ passim elucent.

Ex his vulgo minus æstimari visus locus insignis est, quando ad pulchritudinem, excellentiam ac splendorem domorum describendam, si ad literam illa intelligamus, in *Cantico Canticorum cap. 1. vers. 17. Trabes inquit, domorum nostrarum cedrina, laquearia nostra abiegna*, interprete Pagnino.

Vtut vero etiam de toto textu plura occurrant dicenda, attamen cum agatur de materia & structura ædium, de ligno non vno, sed gemino, adeoque & nomine duplici, & consequenter vfu singulorum; operæ pretium fuerit, vocare etiam hæc ad forum physico-medicum & mechanicum.

Ligna ad basin ædificiorum, ad tigna, trabes, parietes, interstitia, fundamenta, lege artis facientia, varia quidem in vfu sunt; alia tamen selecta præ aliis, seu firmitudinem spectes, seu durationem, ipsamque aptitudinem; alia ad esse, alia ad bene esse; alia ad vsum primum, alia secundarium, ornatum ipsum. Singula facer textus accurate nominat, seu vtraque potius.

Quotiescunque vero in hoc vel illo loco variant interpretes in versione, argutari fas est, dubiam esse significationem, non enim nisi vna est veritas, in radice, reliquæ voces sunt mutuatitiæ, & succedaneæ, quid pro quo vocant medici vulgo. Quare dulcius ex ipso fonte bibuntur aquæ. Neque male hinc absolute iudicandum est, quando non genuinus, verus & vnus sensus exprimitur. Idque duplici fere de causa contingit, partim ex linguarum notione minus accurata, partim & potissimum ex ignorantia subiecti, seu materiæ ipsius, qua de agitur. Vtraque nota esse debent, & coniungi, si veritatem scrutemur accurate; sin secus, æquiucatio emergit, nec exauriri potest, sed dubia manet mens textus cuiuscunque, nedum mystici.

Non

Non laudabimus vocem ligni prioris כרית ab aliis abietem, ab aliis laricem reddi, vnde id inconueniens emergit, si abietem & posteriori tribuas, vt frustranea resultet repetitio. Ast facile hoc diluitur, & cessat, si cedrum vertamus, quod fontibus Hebræis optime & vni- ce quadrat: maior de altero dubitatio & dissensus est, id quod præci- pue iam nostrum faciemus.

Enimuero circa vocem ברות *brutina* vulgo, reuera, quod di- ximus, euenit, & exemplum habetur, non posse eluctari, qui rectissi- me etiam reddunt ad literam, ob dubiam descriptionem eorum, a qui- bus ediscere par erat, quid rei esset; quæ quamdiu latet, obscura est, nec noueris, quæ, qualis, quanta sit, vnde in deuia flectit interpretes, etiam callentissimos.

Vtraque itaque ineunda est via, consulendæ sunt linguæ, originaria & sororiantes, consulendi rei naturalis scriptores, seu ex ipsa re hinc philosophandum est; donec concordent vtraque, quo facto exopta- tus obtinetur finis. Vox ברות sine dubio pluralis est, & sic plura- litatem notat, si non speciei, h. l. arborum, tamen partium, ex vna eademque factam diuisuram, segmenta plura, quod apprime vsui laudando conuenit. Singularis vero est בר.

Quod si iam visamus, quomodo versa & reddita sit, facilius אש *deus* poterimus dicere quid non sit, & hinc אשר *geus*, quid sit. Communissima explicatio est *Aben-Esra*, quem plerique sequuntur, tanquam Hebræum; ille vero ex simili quæsiuit criticam analogiam. Cum enim affinia videantur ברוש, *abies* in plurali ברושים *abietes*, confudit arbores inter se distinctas, fingendo commutationem ש & ת illicitam & incongruam, nulla cogente necessitate, & relinquenda sibi distinctione necessaria, vt rei, ita & nominis, ac vice versa.

Sed nec inde negligenda est vox sacri textus, & substituenda alia arbor, v. g. *Quercus*. Ita enim vertunt Biblia *Schmidiana*: Tra- bes domuum nostrarum (sunt) cedri, ambulacrum nostrum *quercus*. Nulla enim apparet ratio, nisi quod desperando de genuina ac vera explicatione ignotum per notius nomen reddere satagamus, incerta nihilominus & sic relictæ in dubio significatione, eius, de quo quæ- stio erat.

Cum ergo *Buxtorfio* ipsi memorata verosimilis sit magis exposi- tio de ligno brutino, mirum est, alios illum minus secutos, qui aliter reddidere; aut tuendæ sunt hæ partes, aut rectius aliud istis proferen- dum.

dum. Hinc optimum erit, vtrumque prosequi. In bibliis polyglottis quidem non aliam reperiās, quam vulgaribus dictis congruam, quamvis *Targum* seu *Chaldaica translatio* cupresso addat arceuton, (seu iuniperum,) & pinum; nil obstat tamen, quin authenticum textum, *דִּיּוֹן הַנּוֹיִם*, seu fontibus aliis, Arabicis, Græcis & Latinis audeamus illustrare.

Enimvero *Arabibus* *بَرَاتِي* est *sabina*, nemine dubitante, quæ vox etiam apud *Diodorum Siculum* refertur & extat, & varia inflexione in barathron, boraton, barython, byraton, vt solet eiusmodi casibus fieri, detorta, reuera tamen eadem. Græcis, posterioribus imprimis, vt *Dioscoridis*, *Galeno* & reliquis *βερύθω* & *βερύθος* audit. Per syncopen & contractionem scilicet eliso o, imo, cum apud Latinos t durum, & th eodem fere sono efferantur, vltterius processit detorsio, & vocales ipsæ suos, vt sic loquar, passæ sunt manes.

Adeoque factum est, vt arbor hæc, ex eodem fundamento, flexione nota huic linguæ & solenni, omnibus aliis contra, in vs, dicta sit *Plinio* *brutus*, quæ lectio correctior & genuina magis est. Loco huius vero, cum videretur hæc minus quadrare aliis vocibus Aufoniis, & ab iis abludere, per criticam, i. e. variam hinc lectionem in quamplurimis editionibus *arboris bruta* denominatio enata fuit.

Neque id adeo mirandum, si cogitemus, vel nouerimus ex hoc & aliis exemplis, qui excerpando solum occupantur, & ex autoribus magis, quam ex re ipsa sapiunt, talibus abunde velificari erroribus, confundendo homogenea, & sic entia multiplicando præter necessitatem; non aliter, ac præcones olim, qui personam hanc illam publice laudabant, nec adstantem tamen agnoscebant.

Sed audiamus iam huius census *Plinium*, quid scribat de arbore bruta, seu brato potius, vt ex MSS. collectum est, vel animaduersum & sic correctum merito, (ne dicamus, quibusdam bruten legi,) locus est *l. 12. Nat. Hist. c. 17.* Petunt, scribit, (Arabes,) in Helimæos arborem bratum, cupresso fusæ similem exalbidis ramis, iucundi odoris accensam, odorem esse proximum cedro, & reliqua. Sane omnia hæc quadrant sabinæ, imo ipsissima sic describitur, cupresso similis, & eodem autore, & omnium consensu, vnde & Sabinam - Cupressum, verbis *Apulei*, aptissime vocant. Recte hinc *Pinetus*, interpret Gallus, selon aucuns, *oui*, c'est la premiere espece de saunier.

Quid

Quid enim est cupressus fusa, quam Sabina, cuius proprium est, omnium autorum consensu, & autopsia teste, ut in latitudinem magis diffundatur, quam in sublime elata deprehendatur, sibi relicta. Vnde reuera arbor bratus, cum brathy, seu sabina, cuius *l. 24. c. 18.* meminit, plane eadem est, non alia, quicquid etiam alii contra ea afferant, neque enim alia huius generis demonstrari potest, quae de eadem praedicari possint, seu quoad nomen, seu quoad rem ipsam, affectiones, usum substratae materiae, & reliqua.

Notanter vero ex textu *Plinii* patet, illum hanc arborem non vidisse, dum ex aliis haec describit. Licet vero propius paulo illi interpretes scopo accedere videri possint, qui cupressum vertunt, optime & rectissime tamen, qui sabinam-cupressum, cupressum Creticam, vel potius vno verbo recepto sabinam, reddunt, vel persuaderi possunt, ut ita vertant.

Non possumus hoc loco, quin illud notemus, in *Concordantiis Bibliorum Germanico-Hebraico-Gracis*, insigni errore, ut nobis quidem videtur, vocem *נֶדֶם* *nedem* versam, & cum altera *כִּרְוֹתִים*, adeoque cedrum cum cupresso confusam legi, quod euoluenti locum mox oculis patebit.

Enimuero porro in textu sacro notandus venit usus specialis, & quidem sicut cedrus ad trabes, & tigna, ita sabina, ut nomen Latinum hodie receptum ex merito retineamus, ad laquearia, vel, ut alii reddunt, ad ambulacra inseruiit, quae facile conciliari queunt, si quidem ornatum, quem praestat, intelligi, & decorem, reputemus.

Quod si itaque sequamur *LXX.* qui *λακωνάρια* reddunt, seu *laquearia*, idem emergit, ac, si verbis *Tullii* loquamur, templum vndique tectum, pulcherrime laqueatum. *Germ. Taffelwerck / getäffelte Decken des Gemachs.* Si cum *Lucilio* apud *Isidorum*, ex cedro & sabina, res tant aedesque lacusque. Notabile hinc porro est, & apud *Eresum* *ὀποφάς τινος ἐκ θύας*, contignationes olim verustissimas ex *Thuia*, confectas fuisse, quae ipfissima sunt laquearia; qui locus hunc quoque sacrum magis confirmat.

Sed uti haec videntur ad literam clare satis patere, ita ex hisce fundamentis vel scitis medicis, si Christianum in morem nobis licuerit sensu mystico applicare, dixerimus symbolum hoc esse piorum ac fidelium. Quid aliud est corpus nostrum, vel esse debet, quam domus, eaque non tam animae nostrae, quam Dei viventis O. M. &

templum Spiritus Sancti? quid corpora nostra, quam membra Christi? quid ipsimet, quam domestici Dei, superstructi super fundamentum Apostolorum ac Prophetarum, cuius imus angularis lapis est ipse IESVS CHRISTVS, vt verbis Scripturæ congrue loquamur.

Cedrus ergo symbolum sit fidei, cuius excelsitas, firmitas & constantia, huc commode applicatur, hæc quippe vnice decet corda fidelium, si aduentum gratiosum, & *μονὴν, mansionem*, diuino numini & sacrosancto præbere debeant. Sabina sua humilitate & diffusione in ramos, & inclinatione ramorum in terram, amoris proximi signaculum largitur. Vtraque communi viridanti & immarcescibili colore, odore, & thycinorum lignorum affectionibus aliis, precum, tanquam sacrificiorum genuinorum, spei, & reliquarum virtutum, verbo pietatis, lemmata constituunt singulis.

Ita vero totum ædificium & in indiuiduo, & communionem sanctorum in vniuersa ecclesia, congruenter coagmentatum crescit in templum sanctum in Domino, in quo coædificamur in habitaculum Dei per spiritum, vt iterum verbis scripturæ vtamur.

Cum itaque *Buxtorfium*, *Cocceium*, *cogitationibus in hunc locum*, (qui reddit: tigna domuum nostrarum sunt cedri; trabes nostræ brutinæ,) & ex nostris *I. Olearium* &c. sequamur, & quid sint ligna brutina, quoad nomen & rem ipsam, hæcenus vulgo neglectam, vel ignoratam, quoad materiale & formale, exposuerimus, facile efficitur, nostra quidem opinione, hanc interpretationem esse genuinam.

Quadrare vero Sabinam, seu, si mauis, arborem bratum, eodem nomine signatam, ad laquearia, ad mensas, ad arte elaborata alia, veteribusque longe tum notissima, tum pretiosissima, partim aliis profanis autoribus, medicis, & historicis, partim autopfia & mechanica, facillimum erit vltius demonstrare.

Tacemus alia huc applicanda, & promptissime inde fluentia, etiam ad mysticum maxime sensum, quod centrum ligni huius lectissimi & incomparabilis sit rubrum, peripheria alba, & plura similia, suo loco addenda.

Præmittere hæc voluimus DISSERTATIONI INAUGURALI, DE VRTICIS, Clarissimi & meritissimi Artis medicæ Candidati

IOHAN-

IOHANNIS MELCHIORIS DRECHSLERI.

Lucem primitus aspexit, anno post recuperatam salutem MDCXXII. D. V. Maii Wanslebiæ, vrbe in Ducatu Magdeburgensi sita, parentibus honestissimis; Patre MELCHIORE DRECHSLERO, Præfecto iam memoratæ vrbis, districtusque incorporati, laudatissimo, iamdudum autem ad meliorem vitam vocato; Matre omni virtutum laude ornatissima, SOPHIA, nata IÜTERBOCKEN.

Huic, post immaturum optimi Mariti obitum, multum fuit sollicitudinis, quo eum a primis statim annis, tam pietatis atque probitatis, quam bonarum artium fundamentis, Præceptorum dexterimorum ductu, imbutum redderet.

Aurigante autem fato Thuringiam vectus, cura dein ac amore paterno vere singulari, & ex ore eiusdem vix satis deprædicando fructus est Admodum Reuerendi & Amplissimi, M. IOHANNIS CHRISTOPHORI LISTII, Pastoris Vtenbachensis & Köstnizenfis vigilantissimi, infimulque Dioeceseos Dornburgensis Adiuncti grauisissimi, cuius suafu, vltius progredi intendens, Lyceum Vinariense adiit, promptissimosque ibidem sedula informatione reperit Amplissimos & præclarissimos PHILIPPVM GROSGEBAVERVM, Rectorem, & M. IOHANNEM GÜNTHERVM, Con-Rectorem, Præceptores solertissimos, fidelissimosque.

Per quinquennium istic locorum commoratus, florentissimum, demum hunc nostrum ascendit Heliconem, inque ordinem Studioforum receptus, anno MDCCI. d. IX. Augusti, me Pro-Rectore, nihil prius, nihil antiquius habuit, quam vt in Philosophicis & Medicis scholis, sub ductu Virorum Clarissimorum, Nobilissimorum, Excellentissimorum, & Celeberrimorum solidos sibi fœneraret profectus.

In illis, nominatim in Logicis, ope & manu ductione vsus est M. IOHANNIS SIMONIS BVRGOLDI, Facult. Phil. t. t. Adiuncti: in Ethicis & Politicis D. IOHANNIS PHILIPPI TREVNERI, Logic. & Metaphys. Professoris: in Physicis autem, Mathematicis, & Curiosis valde delectabilibus experimentis, GEORGII ALBERTI HAMBERGERI, Mathematicum & Physices Professoris, cuius promptitudinem & humanitatem decenter extollit.

Medi-

Medica his, tanquam basi, superstruens, multum lucis ac commodi percepit e Lectionibus publicis Therapeuticis venerandi Senioris D. RUDOLFFI GVILIELMI CRAVSH, Hered. in Mellingen, Praxeos & Chimix Professoris, itemque Academiae Leopoldinae Collegae primarii.

Cumque nostrum etiam laudare ipsi placuerit testimonium, merito laudem modesti moris, diligentiae, & profectuum insignium, tam in publicis ordinariis, quam priuatis Lectionibus acquifitorum, tribuimus & exhibemus, seu Theoretica exercitia spectes, seu practica, quae sedulo frequentauit.

Depraedicat inprimis laudatissimam informationem, affectum, & humanitatem D. IOH. HADRIANI SLEVOGTII, Hered. in Ober-Rosla, Anat. Botan. & Chirurg. Professoris & Med. Duc. Prouincialis Saxonicus, quibus, tam in demonstrationibus publicis botanicis & anatomicis, (quas in octo cadaueribus humanis, tribus masculinis, & quinque foemininis, binumero grauidis, publice artificiose dissectis, vidisse gloriatur,) quam priuatis, anatomico-chirurgicis, chimico-pharmaceuticis, exercitio disputatorio, casuali practico, librorum rariorum beneuola communicatione, aditu liberiori, ad selectum materiae medicae instructissimum, concesso, priuatisque discursibus fruge refertissimis, ipsum beauit.

Lectionibus demum publicis, aphorismos Hippocratis & operationes selectiores Chirurgicas explanantibus, D. ERNESTI HEINRICI WEDELII, Prof. Publ. Extraord. sedulo interfuit.

His aliisque mediis sufficienter formato & confirmato ingenii robore, vt digno charactere praeditus acquisitas dotes in proximi salutem impendere possit, a Facultate nostra decenter petiit, vt in numerum Candidatorum reciperetur. Admissus sufficienter profectus suos in Examinibus probauit, vnde cathedra quoque publica eidem adaperta fuit.

Cum ergo publice D. XXIII. Maii habiturus sit Dissertationem solennem laudatam, sub praesidio SLEVOGTIANO, vt actui huic gratiosa & beneuola sua praesentia interesse dignentur Magnus Pro-Rector, Illustrissimus Comes, Patres Academiae venerandi, & omnium ordinum Hospites & Commilitones nobilissimi, decentissime, obseruanter & humaniter oro rogoque. P. P. sub Sigil-

lo Facultatis Ienae, D. XXII. Maii,

M DCC VII.

(L. S.)

20897/p





